

www.BibleForChildren.org



Génesis 6



Noéka Yuus wakeramun takau
asa, chikich shuar ainan
nagkasau pegker ajakuiti.

Shuar aina tunaun takaina
asarmatai, nugkanmaya ainaka
Yuus iismaka shir pegkerchau
jasaruiti.



Tuma asamtai Noén Yuus chicharuk:
Yamaika shuar matsata nunaka ashi
ijinattajai, tura nita tunaurin shuar
ainanka ashi ijinattajai.



Turatin asamtai númi gofer tutai aina nu
ajakam, arca takasta. Tura tesakam
entsa wayaawai tusam initkari, tura
aanisha shir sakattrata.



Arca esanti: Ciento
treinta y cinco
metros, wagkanti
veintidos metros y
medio, tura
yakintisha

trece
metros y
medio, tura
tsaaptin atin jea
awantamu nugkani
mediometro
nam chigkarta.



Nugkasha pujutai,
ajapeencha pujutai,
yakisha pujutai
umikta.


Tura arca
yantamen
chikichik waiti
najanata.



Tura ame yuatin, kuntin
aina yuatnusha yutai
ainaka ashi chumpiata,
tusa tinaiti.



Tumakum nugkanam ashi kuntin iruna nu, nanamtin
aina, tagku aina tura japinas wekain aina nusha amijai
metek iwáku juartin aishmag nuwajai jima jimarchik
egkeawarta.




Tumakum ashi kuntin yutai ainaka siete aishmag,
siete nuwajai irumram chumpiata, antsu
yuchatai ainaka aishmag, nuwajai apatkam
chumpiata.





Noéka yumi yutuk
nujagkruatin asamtai
uweemrattsa nina nuwe, nina
uchiri aina, tura nina uchiri nuwe
ainajaimak arcanam egkemawaiti.





Noé seiscientos uwí ejé pujai
chikichik nantu nuiya diecisiete
tsawan jeaamtai, yumi nayaimpinmaya
yutak tuna uruka imanina.
Tura nugkanmayasha entsa jintraruiti.





Tura cuarenta tsawan, cuarenta
káshi ishichkisha chiwatsuk yutukuiti.



Entsa
nu jagkramun
nagkanchau
asantai, arcasha
takunki jasuiti.



Imatma asa, mura uun tsakaru ainancha ashi amuruiti.
Tura nugkanam matsamin aina nuka ashi jinaawaruiti.



Yuus Noénka ashi nijai arcanam
chumpirainanka kajinmatkichuiti.
Nutika asa nujagken ukuyuati tusa
nasen akupkauwaiti. Turam nujag
kuyutan nagkamawaiti.





Tumamtai entsa
kuyuayash tusa nekaattsa,
paumnasha akupkauwaiti.




Tura jimar nantua nui veintisiete tsawan jeaamtai,
entsa kuyuak nugkan shir ukumawaiti. Tumamtai
Yuus Noén chicharuk: Yamaika ame,
amina nuwem, uchiram
aina, tura uchirmi
nuwe ainajaimak jinkita.



Turam Noé Yuusan eme
anentas iiyak tagku
aina maa patasa
epeatnun najanawaiti.
Tura umik kuntin pegker
ainan iis, tura nanamtin
ainancha pegker ainan
juki epeawaiti.





Wii atumin,
tura kuntin
ainan pachisan
timaj nuna
yapajiashtinaitjai
tusan,

iwainakun yamaika
yuragminam tuntiapan
awajajai, tusa tinaiti.





Tura wii
tajarum nu
kajinmatkirum
tusan, yuragminam
tuntiapan
awajtinaitjai. Wii tajarum
junaka kajinmatkishtinaitjai.

Tuma asan ashi
nugkanam matsataina
nunaka atak awenanka
nujagjaigka
ijinashtinaitjai.



Yuus Noén nina
uchirijai pegkernum chicharuk:
Uchirmakrum nugkanam
pampaartarma.



Noé uchiri aina
arcanmaya jintrarua nuka ju
ainawai: Sem, Cam, Jafet. Camka
Canaánkan apari ajakuiti.
Noé uchiri tres ajakarua
nuka ashi nugkanam
pampagkaru ainawai.



Yuuska ashi shuar ainatin shir senchi
anenmau asa, wina uchir chikichkia nuna
nekaspapita tusa umiruka waittan
jukichartin arti, antsu pujut tuke
atinan jukitin arti, tusa nina
uchiri chikichkia nunaka
suramsauwaitji.



Romanmaya 3:23 Ashi nugkanmaya ainaka tunau ainawai,
tumau asar Yuus tsaaptinum puja nuigka
jeamainchau ainawai.

Romanmaya 6:23 Tunau takamua nuka Yuusjai tuke
tupantikartawai. Antsu ina apuri Cristo Jesús inii
mantamna asamtai, Yuus antrag surammauka pujut
nagkanchauwa nuwaiti.

Hebreonmaya 9:27 Ashi shuar ainatika chikichkia
jakartin ainaji. Tumawakrin Yuus ii takasmaun iis
turamtinaitji.

Efesonmaya 2:8,9 Yuusa uchiri nekaspapita tau
asaakrumin, nina wait anenkartutairin atumnaka
uwentikramrauwaitrume. Atum uwemrattsarum
takamainka pegke atsawai. Nunaka Yuus nigki enentaimas
turawaiti. Ii pegker takamunmagka uwemkacharu
asar, ika ememamain ainatsji.



Romanmaya 10:9,10 Tura Jesucriston maamuncha Yuus nekas inankinapita tu enentaimkumka, tura Jesúska wina apuruiti takumka uwemratnaitme.

Jesucristowapi nekas wina tunaaurun ashi tsagkurtur agkanmantikruawaita tu enentaimkumka, tura Jesucristowaiti nekas wina apurka takumka uwemratnaitme.

Juan 3:16,17 Yuuska ashi shuar ainatin shir senchi anenmau asa, wina uchir chikichkia nuna nekaspapita tusa umiruka waittan jukichartin arti, antsu pujut tuke atinan jukitin arti, tusa nina uchiri chikichkia nunaka suramsauwaitji. Yuuska shuar ainatin makuti tusagka ju nugkanmagka uchirinka akupturmakchauwaitji, antsu uwentikati tusa akupturmakuitji.



1 Juan 5:11-13 Yuus chichartamuk: Wii pujut
nagkanchauwa nuna amastinaitjarme turamnaitji. Nu
pujuta nunaka nina uchiriya nu sukartawai.
Yuusa uchiriya nuna jukinka nu pujutcha arawai. Antsu
Yuusa uchiriya nusha atsurmauka nu pujutcha atsurui.
Atum Yuusa uchiriya nuke shir nekaspapita tusa
enentaimtuinatirmin, pujut nagkanchauwa nu jukimusha
nekaatarma tusan junaka aatjarme.



Génesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Huambisa Bible (hub) © 2010, Wycliffe Bible Translators,
Inc. All rights reserved.

<https://live.bible.is/bible/HUBWBT/MAT/1>

©2024 Bible for Children, Inc.

www.M1914.org

www.bibleforchildren.org

